

## **MOCIÓN DE AER SOBRE BASES DOS ORZAMENTOS PARTICIPATIVOS**

PLENO 31 MARZO 2015. ACTA 6/2015

O 27 de outubro de 2011, o pleno do Concello de Redondela aprobou por unanimidade unha moción presentada por AER dando voz a Esquerda Unida.

Esta moción versaba sobre os orzamentos participativos e propuña basicamente destinar unha porcentaxe do orzamento de inversións do Concello a orzamentos participativos, de tal xeito que a veciñanza decida onde debe gastarse.

En concreto, os acordos propostos eran os seguintes:

- Celebración dunhas xornadas de formación para as asociacións e veciñanza sobre o funcionamento, características e elaboración do orzamento municipal.
- Creación dunha oficina de orzamentos participativos.
- Poñer a disposición dos orzamentos participativos un mínimo do 25% do orzamento de inversións do Concello para que a veciñanza decida onde debe gastarse.

Acordouse aprobar a moción rectificando que a porcentaxe dos orzamentos que se adicará a esta finalidade será a que fixen, de común acordo, os grupos políticos á hora de aprobar o orzamento, e engadindo que a participación encamiñárase a través dos Consellos parroquiais, unha vez que estes comecen a funcionar.

Efectivamente, a data actual lévanse aplicando dous anos consecutivos os orzamentos participativos a través dos consellos parroquiais. Non obstante, cabe destacar que non se chegaron a por en práctica os dous primeiros acordos, sendo esta unha importante desviación do aprobado en pleno e que tivo como consecuencia que o concepto de orzamentos participativos a día de hoxe sexa descoñecido para moitos veciños de Redondela e, noutros casos, mesmo nos propios consellos parroquiais, non se teña claro en que consisten exactamente os orzamentos participativos.

Os orzamentos participativos puxéronse en marcha mesmo sen chegarse a elaborar unha bases específicas que definisen e establecesen o marco de aplicación, polo que o grado de subxectividade na súa aplicación é importante.

Por estes motivos, e vendo a necesidade de que se redacten e se aproben unha bases de común acordo da veciñanza e dos grupos políticos, propoñemos o seguinte ACORDO:

- ✓ Elaboración dunhas bases específicas sobre orzamentos participativos contando coas aportacións e suxerencias da veciñanza e de mutuo acordo dos grupos políticos.

- ✓ Que estas bases estean vixentes e sexan de aplicación para os orzamentos participativos do ano 2015.

**VOTACIÓN E ACORDO.-**

*A moción sométese a votación, sendo **rexeitada** por dous votos en contra (2 do BNG), un voto a favor (1 de AER) e dezasete abstencións (9 do PP e 8 do PsdeG-PSOE).*